

當陽縣志

第拾冊

當陽縣志卷十八

藝文志 下

四言古

贈士孫文始

父土孫知萌

字文始年十五

家屬文初

荆州及天子都許

追論卓之

封有萌為

澗於荆楚在漳之

以詩此因

粲

天降喪亂靡國不彝我暨



守盪失

越用遁違遷於荆楚在漳之澗在漳之澗亦克宴處

和通簾墳比德車輔既度禮儀卒獲笑語庶茲永日

當陽縣志

卷十八

藝文

四言古

十

無譽厥緒雖曰無譽時不我已同心離事乃有逝止

橫此大江淹彼南汜我思弗及載坐載起惟彼南汜

君子居之悠悠我心薄

言慕之人亦有言靡

喆不思

矧茲孌婉胡不悽而晨

風夕逝託與之期瞻

仰王室

慨其永歎良人在外誰

佐天宮四國方阻俾

爾歸藩

爾之歸藩作式下國無

口蠻裔不虞汝德慎

爾所主

率由嘉則龍雖勿用志

勿靡忒悠悠澹澹鬱

彼唐林

雖則同域邈其迴深白駒遠志古人所箴允矣君子

不遐厥心既往既來無密爾音

五言古

過龍泉寺精舍呈易業二公

唐 孟浩然

停午聞山鐘起行散愁疾尋林采芝去谷轉松翠密
旁見精舍開長廊飯僧畢石渠流雪水金子耀霜橘
竹房思舊遊過憩終永日入洞窺石髓傍巖采蜂蜜
日暮辭遠公虎谿相送出

答族姪僧中孚贈玉泉仙人掌茶

并序

李白

余聞荊州玉泉寺近青溪諸山山洞往往有
乳窟窟中玉泉交流中有白蝙蝠大如鷓鴣按

當陽縣志

卷十八

藝文

五言古

二

僊經蝙蝠一名僊鼠千歲之後體白如雪棲
則倒懸蓋飲乳水而長生也其水邊處處有
茗草羅生枝葉如碧玉唯玉泉真公常採而
飲之年八十餘歲顏色如桃花而此茗清香
滑熟異於他者所以能還童振枯扶人壽也
余遊金陵見宗僧中孚示余茶數十片拳然
重疊其狀如掌號爲仙人掌茶蓋新出乎玉
泉之山曠古未覩因持之見遺兼贈詩要余
答之遂有此作後之高僧大隱知仙人掌茶

發乎中孚禪子及青蓮居士李白也

嘗聞玉泉山山洞多乳窟僊鼠如白鷗倒懸深谿月
茗生此中石玉泉流不歇根柯灑芳津采服潤肌骨
叢老采綠葉枝枝相接連曝成仙人掌似拍洪崖肩
舉世未之見其名定誰傳宗英乃禪伯投贈有佳篇
清鏡燭無鹽顧慚西子妍朝坐有餘興長吟播諸天

玉泉道中作

元稹

楚俗物候晚孟冬纔有霜早農半華實夕水含風涼
遐思雲外寺峰巒渺相望松門接官路泉脈連僧房

當陽縣志

卷十八

藝文

五言古

三

微露上弦月暗焚初夜香谷深煙靄淨山虛鐘磬長
念此清境遠復憂塵事妨行行且前路勿滯分寸光

題文定公書堂

宋張栻

入門認碧溪循流識深源念我昔此來及今七寒暄
人事幾經變寒花故猶存堂堂武彝翁道義世所尊
永袖霜雪手琴書賁邱園當時經行地尙想笑語溫
愛此亭下水炯若玻璃盤暗看浪花涼靜見潛鱗翻
朝暮迎日月俯仰鑑乾坤因之發深感倚檻更無言

登玉泉來青閣

明雷思霈
彝陵人

石磴幾千級滄勃夾長柏奔泉冷山骨臥聽知水脈
夕陽空翠生滿身變衣色條鼓豐隆怒四顧膚雲黑
驚起老蛟精倒捲銀河瀉素朝天開霽亭檻俯石壁
乍聞深澗濤吼山山欲劈峰饒林木青溪藉沙路白
我家萬山中終日對山碧別來已四載見此欣有得
塵土污緇衣城中車馬客

遊紫蓋山

楊 讚 邑 庠

我望紫蓋山朝朝山色紫及乎陟其巔漠漠蒼煙裏
丹泉瓢飲豐盈虛有至理凭閣呼孝先孝先呼不起

當陽縣志

卷十八

藝文

五言古

四

一練裊秋空居人指江水

宿龍泉寺

柏 溪

仗劍賦遠遊名山資幽討側聞龍泉勝江山愜夙好
列嶂獻奇姿千峰勢相抱碧澗蟠蛟龍青林隱猿鳥
山嵐滋石芝晴日曛瑤草雲封石門幽月傍佛樓小
老衲解人情石榻爲予掃煑茗荐松花焚香分麝腦
平生西方願稽首白足老暫謝塵世心跏趺坐青曉
何時解天刑繕性息煩惱古鼎篆煙殘鶴夢青未了

謁關侯墓

黃 聖 年

立志在春秋取義愜幽獨凜凜煙霄間耿光灼人目
矧茲登崇封森森羅宰木靈衣颯神爽閱官敞肅穆
驚颿紫駟怒陰霆寶刀煜流眄感霸圖山川阨全蜀
漢燼自不然丹心此焉爝誰云數尺土英聲馳九服

坐東郊

楊

誌字石父
邑人

人境各氛雜絕無開口笑蕭蕭草莽間寂寂抱幽紗
藉地作穩眠登高極清眺俯仰從所欣滄浪與同調
宿鷺解避人潛鱗不上釣所以山澤心何曾慕廊廟
有酒滿青壘欲醉復大叫何物送殘杯明月出孤嶠

當陽縣志

卷十八

藝文 五言古

五

遊玉泉山

國朝

陳大佐

邑庠

西來千萬峰堆藍獨尊特在昔髻鬪時亂離走澤國
飽聞玉泉勝蠟屐殊未得乘間采真來會際烽煙息
翻如遠游人鬚眉乍相識石壁俯青泉蒼松染黛色
茫茫埜馬中靜喧分晷刻何時賦歸田誅茅北山北
結伴隨緇流世路任傾側

丁丑八月再往玉泉山有作

李

遙邑令

病廢從人嬾肩輿往玉山目極秋郊迥數峰出雲間
哀蟬厲清響春燕已知還高下路透迤溪流水潺湲

青林茅舍出空谷足人煙領略成佳趣突兀已在前
昔遊何倉卒形拘區內緣始信達生者逍遙反自然

和李襄水明府游玉泉見寄

楊州彥

邑進士

巖壑有佳處領要唯異鄉嗟彼住山人不知山低昂
誰能解此趣吾聞李睢陽案頭厭公事率性解要章
走馬忽西來披榛踰崇岡脫鞍踞石坐秋水照衣裳
冥心託長嘯天宇曠茫茫賦詩紀山志聊寄劉柴桑

寄玉泉般若上人

方

璲

字深柳
邑學博

堆藍以樸尊層嵐森卓絕鬱鬱復蔥蔥中含太古雪

當陽縣志

卷十八

藝文

五言古

六

一井傳珍珠四時長清冽曩爲智者居隋唐等一瞥
我來黃鐘候正值吹葭節萬木漸就彫孤峰如立鐵
襍被憩僧寮霜月兩澄潔赤髭頗解事玉笋爲余設
所愧手版疲腰瘦向人折不作桑下戀一宿遂長別
幾思續前遊塵網苦羈紲猶記登般舟卻喜逢圓澤
握麈妙談空坐永爐煙滅回首已三年南華徒願切
會復打包來重理無生說爲我致山靈幸勿掃車轍

漳上耕讀吟

林可法

邑孝廉

詩書饒寂寞稼穡亦艱難漳上多舊族星棋住河干

家世習耕讀途徑詎云繁朝向家塾裏夕從陌上觀
學殖防將落田功課未完兼營誠所誠交資得永安
不讀墮俗流輟耕貽饑寒勿謂儒術闕聖謨昭簡端
邠風深可味無逸卷非殘休明洽禮樂穡事實琅玕
富教何循循王道異申韓重知詩書旨一唱復三歎
六經真世業百畝繞文壇農譜須成誦硯田肯暫乾
勤勞應思善吾伊足承歡慤勤督子孫他道從此刊
謀身惟兩策並作一體看伏則稱良士出不愧衣冠
珠玉荒年給河洛指上攤及茲日華富努力勉加餐

當陽縣志

卷十八

藝文

五言古

七

志莘復希顏野巷天地寬古人樂斯在尙與共盤桓

登西屏山

葉文在

邑副榜

巉巖西屏高仰窺一線路捫蘿梯絕巔目眩回頭顧
攀危困力稀隨意歇雙樹突起雉驚鳴逢人爰似怒
偶爾喚老僧老僧知何處但見白雲陰紛紛結寒霧

題郭孝廉傳後

許廷鏞

民生無節孝何以立人羣至性誰不具臨難喪其真
當陽郭孝廉家訓夙所申數窮節以見灑血扶大倫
妻也爲夫死子也代父身娥娥小弱女罵賊雙目瞋

賊怒揮白刃螾首竟平分至今風雨夜冤憤聲如聞
三綱漸凌替一旦光乾坤節孝自古難而乃聚一門
激昂表風烈百世垂後昆

弔趙師彥

事詳忠節傳

熊經壁

邑明經

醴泉本無源芝草詎有根正氣之所毓何必屬清門
師彥窶人子食力住荒村其婦曰王氏辛勤共晨昏
忽遭狂且侮一旦折雙鴛澄潭風雨夕歷歷泣煩冤
邑侯廉其實次第達

至尊繫匪寘之法

當陽縣志

卷十八

藝文

五言古

八

錫旌沛殊恩名標列女志至今生氣存師彥苦無室饑驅

那足論側身入城市鬢官效趨奔大亂一朝起學舍
成賊屯斯文真掃地到處賊語喧行行值空宅結繩
繫高軒從茲辭人世地下晤真魂卿既不負儂儂敢
效犬豚各還清白體同是玉無痕作詩紀芳行長令
風教敦

玉泉山寺雨中即事

張致青

山低雲幕天春風夜陡怒雨挾溪聲飛客同山僧寤
斷續上方鐘到枕風吹去曉起怯輕寒啜茗繞廊步

時聞山鳥聲來自空濛處卻愁溼雲重壓折山頭樹

胡文定公書堂

呂紹新荆門人

古樹傍檻青亂山當戶紫我來訪遺蹤碣臥荒苔裡
憶昔推大儒著書標宗旨論事本春秋魄令奸佞禡
代遠復年湮父老談芳軌高風不可追斜日淡遺址

弔黃安宅先生

事詳忠烈傳

王懷孟

四川舉人

人生僅百歲疾病免不得朝廷萬萬世那使全無賊
賊平亦已久馬散犁銷鐵驅車玉泉山緬彼死臣節
黃公余長親卓犖人中傑操刀宰當陽時逢潰瘡裂

當陽縣志

卷十八

藝文

五言古

九

太平百餘年敞戶夜不竊誰知白蓮池汎濫蒼生血
白蓮根蔓延鬼道煽羣孽公實擒其渠投教狴犴嚙
手無尙方劍擅殺不能決一旦起白巾野火燒城熱
城中穴鼠狐城外環犀兕空有張睢陽竟乏霽雲使
十上請兵書不曾到一紙搥胸可奈何坐殉空城死
公子欲相從公曰胡爲爾執取漢節歸爲余報

天子擊鼓坐堂堂虎口磨牙齒罵賊如罵奴臣力盡於此

紫骨斷蔣侯碧血濺朱泚趙璧澄臣心泰山重青史

畢公

秋帆先生

收當陽屠鯨等斬豕快哉無一逃白骨高

熊耳

天子嘉死綏雲騎錫恩旨丹旒若長虹馬革還桑梓我來
訪遺愛巷祭尙不止忠魂定未歸日落關林紫

登玉泉山頂

聶子英 邑庠

入夢不記年而今乃一踐所求雖已獲所歷非一險
一身旋若蝘萬山翼如卵古來人何處茫茫不勝感

珠泉 三首

姚錦江 邑明經

朝陽輝山頂堆藍成畫圖蒼翠撲人面幻成色有無
清音忽到耳泉來自西隅遊人一鼓掌纍纍如貫珠

當陽縣志

卷十八

藝文

五言古

十

其二

珠圓可以掬曲水穿其曲智者握智珠何能混魚目
秋來此挹爽爽籟亭中宿塵世只箏琶空山有琴筑

其三

人生不百年苦以忙易閒誰知出岫雲不及在山泉
泉清珠錯落泉沸珠盤旋問珠來何處疑是合浦還

長坂雄風

盧永楷 邑庠

託孤白帝城顧命諸葛輔長坂微子龍蜀漢無後主
前後兩託孤子龍先報補不獨仰雄風忠義足千古

長坂

陳啟瀛

湖生南諸

將軍昔熊虎孟德其如何重圍不能困所至胥倒戈
膽氣褭敵魄英風留山坡我來懷往事長坂碣摩挲
太息經百戰扶漢功居多

丹井

仙人豈有術此翁但全真所以凡骨換相傳金丹神
紫蓋玉之陽當年春復春鉛永不復留古剝莽荆榛
汲井井其智茲事徒惑人

當陽縣志

卷十八

藝文

五言古

十一

七言古

謁關帝祠

明 余一龍
新安人

天不少延赤帝子雲長事業空傳史麟經幾向夜挑
燈漢鼎那容人染指威懾阿瞞避欲遷神誅吳將封
還死當陽遺墓尙依然寄語奸雄休過此

遠公洞

明 張松
邑令

天作法洞亦太奇金巒玉嶂相參差石臺啟兮雲爲
扉鴻濛開闢伊誰爲僕人篝火乃敢入洞裏一徑何
透迤縱目春光真浩蕩丹青圖畫未可狀松濤萬斛

當陽縣志

卷十八 藝文 七言古

十二

吼如雷彷彿飛泉巖壑上伊予乘興一朝來躡衣拉
友步莓苔洞裏乾坤長不老壺中日月且常開瑶草
瓊花儘堪掇森芝秀蕨亦堪瀨忽聽元鶴唳九皋又
見神蔡飲泉冽間日遠公傲紫霞搗鍊山中歲月賒
丹成白晝乘雲去洞口猶開昔日花山寺盤迴幽且
僻探奇索異多騷客題鐫何妨破石雲酣飲始知月
既白幾載提攜方外遊局促猶愧親行役躊躇把酒
問春暉遠公丹竈今曾赤

黃平倩至玉泉以書見邀倍道趨之馬上感舊

有作

袁宏道
公安人

曉枕濃和發清嚏知是家人呼我字翻然一鶴自東
飛銜得巴江牋子至臘花滿幅堆明巒邀我共蹋青
溪翠怒帆一掣截長波馬不待鞭捶以轡頽藍疊綠
瀉平田纈林稠葉點青膩當時京國好兄弟謝堂佳
月城西寺幾年拋沒歎吹雲又作飛鴻留爪地老去
怕逢緣熟人夢回每說金華事欲知銷折幾番心看
我衣衫重疊淚

玉泉鐵堦歌

鍾

惺
字伯敬景陵人提學

當陽縣志

卷十八

藝文

七言古

十三

五金惟鐵最愚劣化爲浮圖萬象列立山水中精神
子瘦幹高莖竦其節日星散氣冰霜結佛數恒沙萬
生滅鮫人出波鱗介別商周墨玉漢凹凸似非鑪冶
出鐫鏤臥蠶盤螭不瑣屑元氣淋漓取精竭阿育之
鉢藏敢泄鬼物司之莫能竊其中出入風雷截流出
峨眉神僧掣關係運數汗隆閱匿光送影大地閉摩
拏情文耳目悅如几案問可擺撤巨細靈頑理難挈
勿云巧力傷樸拙請尋其本仍古鐵

五月十三日玉泉道中

袁中道
公安人

千山萬山雨忽至大珠小珠溪裏沸此是關公洗刀
雨霑身也帶英雄氣疾雷先雨雨如霏停車且認玉
泉樹志士奇窮避地時將軍血戰灰心處

玉泉即事

梁 燿 邑庠

汲山井陘山嶺虎豹橫野人警遑遑去城市鼎沸連
鄢郢短筇欲忘歸松掛夕陽景閒披鶴氅裘饑餐松
花餅一枕臥匡床晨鐘發深省

沮漲吟

國朝 楊州彥

西潭昨夜老蛟怒黑雲翻落秋霖注雷銜一派雨聲

當陽縣志

卷十八

藝文

七言古

十四

飛千溪萬壑奔不住黃河水色濫潏波移來沒卻臨
沮路細魚顛倒駭洪濤巨鯨車翻失故步疑如三家
村裏兒乍蹋都城生恐怖洄湍蝕岸入崩沙橫流直
下拔根樹土不勝水木不生遂使五行愆氣數野航
如葉競先登逢人舌敝公無渡眼花逐浪掉頭看怪
底一身坐雲霧

覆舟山行

梁 霽 邑人

堆藍山色絕比擬西南林壑信尤美如何其形覆如
船爲問何年曾覆此我聞古人善藏舟將誰馘杙將

誰艤迸出流泉珠萬斛
遄飛瀉澗雜宮徵蒙茸竹樹
冠其巔晴朝雨暮圍羅綺
僧從大漢建安來寺自楊
隋大業始門前車馬足
轆碌強半高官稱時宰景物
櫻心各有託風雅淋漓良
可侈我來騎驢到山巔
僊掌旋烹玉泉水詰曲蘿
徑行欲徧躩踞老樹同凭倚
斑駁古鍊何時物內有青
蛙鳴不已癸未迄今廿載
餘丸轉光陰一何駛疇昔
遊者今淪亡爾獨泊此將
焉俟將欲乘爾泛滄溟直
蹋神山三萬里

登漳上雙冢

郭孫俊
邑進士

當陽縣志

卷十八

藝文

七言古

十五

匹馬度芳郊側見兩高阜
崒兀並峙立培塿俯無數
古剝右之巔左阜荆榛護
乘興一登臨夕陽照春樹
春天樹色依依綠長川掩
映村村曲晴嵐如雨氣濛
籠煙波杳靄迷人日一時
春意入懷中舒眼遙看大
地空悄悄忽憶蘇門月一
聲長嘯落歸鴻茫茫寄矚
天涯裏渾忘攀陟身在此
何年此地冢成雙鳥比鴛
鴦枝連理唐虞以後羲皇
前知是誰生復誰死白日
易黃昏千年歷成毀雌雄
難辨非與是不然可有豐
城劍對壘長埋待雷煥閱
斂精華歲月多夜深氣應

冲霄漢泠泠野曠山鬼驚光芒曾有幾人見吁嗟乎
蒼梧峰九疑風景繫人思瞞冢七十二徒貽後世嗤
蒼涼望古移情久俯仰千載曷勝悲春風霎時飄不
住翛然詠入前村去

玉泉鐵鑊歌

劉續祖

邑明經

渾淪一點胎胚結五行斑駁陰陽血天物精多暴則
殃楊家阿麼真橫絕鳳舸龍舟木欲竭鑿汴浮鷺水
土裂金火再恣樓上屏餘殃又治堆藍鐵哆然一腹
飽千髡指疊饗殮應萬劫禍炭災柴知歲時棄擲荒
當陽縣志

卷十八

藝文

七言古

十六

郊成跛鰲霜月煎熬秋復秋贏得遊人認大業人生
今古何分別古非獨巧今非拙愚智由來邪正歧岐
陽石鼓千秋烈

祝家坂古松

郭孫俊

孤根盤鬱旁無倚屹立一幹矗空峙虬枝倒披逼層
霄龍鱗半蝕枯不死爪拏煙雲勢伸縮籟發天風浪
奔駛黛色年深成老翠犯雪干霜不知紀憶昔屐齒
暫經過下馬摩挲情無已浪跡歸來鬢欲斑柯葉不
改尙如此世途平頗多殊形大運升沈靡定理功名

事業貴有終慙對貞松汗欲泚

關陵聽灘水

張鴻敘經邑明

灘水薄暮起煙霧淒聲偏向帝陵訴西嶺寒鴉驚滿樹臨流聽此誰忍渡

題郭孝廉傳後

徐堂元和人

乾坤正氣鍾碩彥奇行表彰逢世變勁草無風等凡卉志節多由亂離見當明西賊流南東襄陽既破傾藩封萬落千村遍荆杞烽煙處處途路窮當陽郭丈丁劬勲孝廉船泊蘆葦旁舊傳一經無長物賊至束

當陽縣志

卷十八 藝文 七言古

十七

縛嗟無償有子毅然請行役一去不還良可傷婦悲夫去神魂失回首小姑禍倉卒罵賊祇愁爲賊污水火刀兵非所怵翁家不幸蒙艱貞惜哉野乘無其名佳傳幸得大手筆讀之齒頰猶餘馨君不見倪尙書劉中允一門殉節並多人至今青史名耿耿

遊遠公洞

金國瑞新安人候選縣丞

沮北龍泉之西山峭壁寒巖千尺懸巖半有洞險而仄蒼茫薄暮浮層煙扶醉笑問遊山侶云是遠公跌坐所中有殘碣臥莓苔糢糊不解作何語伊予探奇

輕躋攀捫蘿緣磴何其難撫碑長詠聲激越石竇響
應羣峰寒惆悵面壁人何在洞口雲影空盤桓

題郭氏三烈合傳後

馬棟大興人
尉

汾陽著姓稱舊族孝義貞節本世篤當陽孝廉曰之
都守此傳家講求熟苦遭明季百六時流寇焚掠最
慘酷買舟密竄叢荻間冀同兒女免屠毒詎料瞰蹤
邏卒來罄橐獻金未饜足吆喝翁媪隨之行一時口
噤計窮蹙賴有孝兒名毓賢願代父行無穀鯁烈女
二姑年十七賊復持刀脅使逐聲聲罵賊語森嚴頭

當陽縣志

卷十八

藝文 七言古

十八

顛倏破遭其戮賊去翁媪迺倖存有媳陶氏遁蘆澳
歸舟聞夫爲賊俘秀才此去安可贖義不從賊必受
戕破鏡復圓事難續毅然沈死沮水濱孝子被擄卒
未復吁嗟爾時國運衰君父扼腕少心腹甚且偷生
闖賊前對此能無增慙慙一門三烈何其盛死而不
死人競述迄今事隔百年餘令我津津仰芳躅

弔張沼亭

名鴻鑑事
詳忠節傳

熊經壁

君之祖母我族姑秋霜烈日節堪俱芳名已入烈女
傳

帝錫崇坊表通衢從來苦節無不報一子篤生五丈夫五

人之中君其長少小人誇汗血駒文場馳突輕餘子
理窟貫穿愧老儒無奈大器說晚成滄海年年泣遺
珠居家惟事耕與讀兄弟和樂及妻孥大亂一遭起
倉卒合家聚泣淚眼枯君忽大言謂諸弟祖宗禋祀
宜早圖諸弟倉皇舍君去細弱安能涉危途次第投
繯縲共結玉隕珠碎在斯須君親見之乃大笑理繩
從容自捐軀人生自古誰無死用文文山句節烈自與常
人殊地下重逢君祖母悲不待言喜何如

當陽縣志

卷十八

藝文

七言古

十九

沮漲行

張致青邑明經

丙子六月朔五日黃雲壓城雨不息殷空動地聲驚
雷濁浪浮屍排山來橫溢勢欲汨山城長官冒雨拖
泥行手把朱提催舟子爾多拯人多予爾邑侯石公名煦捐銀
兩百餘錦屏山南長坂北男婦奪出蛟龍窟誰何上樹
誰升屋呼號聲聲聽不得爾槳少緩篙少停樹連根
拔牆屋傾絆得長官駐沮西沮東還倚鄭公隄須臾
忽報古堤潰奔流下與溢水會東北鄉連浩漫漫城
頭聚觀空駭歎蔀屋千家久安堵河伯嗔怒爭此土

我指洶湧問父老乾隆辛卯災較小翼日逢人慶無
恙又聞漳江同日漲田禾園蔬歸沙泥今不苦寒亦
苦飢罪彼陽侯聊作歌福星移照當如何

弔戰場

過當陽作

王懷孟

弔戰場戰場非往古白蓮禍發始於楚傷哉吾鄉之
人罪罹苦峻嶺深山養豺虎豺虎之先小於狐與鼠
一朝野火不撲滅從此三州震金鼓蒼生百萬賤如
蠱鬼神造劫天無語冤魂鬱鬱守骨不肯散日月爲
之變風雨

當陽縣志

卷十八

藝文

七言古

二十

天子神明立當之虎臣桓桓士卒武九年征討十年平宇

宙瘡痍元氣補至今人還鄉物歸主惟有戰場草猶
腐亂墳壘壘埋不盡未必兒孫識宗祖朱睛惡犬不
避人咆哮聞醒向風舞劫灰盪盡血未消此間萬古
多紅土

擊賊行爲李烈女作

良忠之女有傳

聶子英

安業

漳之水日東注一村一姓水邊住李家有女穠如華
豈知心是後彫樹戊午三月螳賊來黃霧連朝天不
開倉皇知誰落虎口全家骨肉散如灰阿女娉婷阿

母老驚魂飄向荒山道傷心賊更恣窮搜山靈不護
幽蘭草刀光如雪繡領邊有心人肯作瓦全但恨不
得甘心死阿母咫尺賊馬前兒死何敢累天只老人
早辦一身死奮唾賊面不顧生死後但求作厲鬼白
髮枉觸虎狼威斯時兒尙顧阿誰自忘雙腕生來弱
九泉不肯束手歸手石擊賊鬼神泣可憐身死猶握
石屍香數日何足論石上血痕今猶積男兒枉自誦
詩書貪生畏死何足無君不見逆豎頭破段太尉千
載幾人扶大義

當陽縣志

卷十八

藝文

七言古

二十一

關陵

李暎棻

字香雪
四川記名道

萬古詩人難下筆公名大與尼山匹我特蜀人敢妄
言拜公如拜天中日公之忠義滿天宇公之精神貫
今古彝陵雄郡古荊州知公死不忘斯土斯土遙遙
障蜀東當年伐魏表精忠天下三分心一統我公所
見武侯同可惜襄樊功頓棄捧頭痛哭見高帝直拚
一死殉中原凜凜千秋有生氣何物仲謀太無恥么
麼安足令公死靦顏偏肯拜曹瞞甘作亂臣與賊子
花草吳宮豈尙存百世唾罵江東孫恨不收聚六州

鐵鑄彼阿蒙跪墓門墓門屹對當陽縣俎豆江山長
不變永安風雨惠陵煙忠魂夜夜往相見靈旂拂拂
捲風雲曰帝曰王豈樂聞不見墓前一片石特書大
漢前將軍將軍往矣聲靈在位號重重加歷代玉泉
山畔土一坵婦孺咸知望陵拜丹心浩氣干雲霄
今代神功尤顯昭臆語測公公應笑煌煌漢統在

熙朝

石龍灘

王焜耀 邑庠

飛湍激波散作雨殷若雷聲急若鼓由來有龍臥中

當陽縣志

卷十八

藝文

七言古

二十二

流流欲直趨龍不許龍形之高一丈餘龍勢蜿蜒畫
不如沙爲鱗甲石爲首中有魚口口多魚漁師日日
跨龍背捕魚喜看魚爭避翛然一葉劈流來懸空陡
落驚心碎見說巫山三峽長更聞灩澦並瞿塘灘勢
不知誰險易我欲與此相較量奇險似經神禹鑿龍
門突兀噴珠瀑呼起灘頭漱石人爲霖徧錫蒼生福
過土地嶺有感之在呼兒山西與遠安接壤白巾
鄉人設禦於此死節者甚
西風堦上雲堆墨蟻聚蜂屯白巾賊猖獗遙從川陝

眾縣令汪曾查勘
詳報先載州志

汪培鑑 邑附

來旌旗蔽空山嶽黑卓哉我民矢蓋忠子有袍澤我
與同裹糧環甲伺嶺側誓將一戰殲羣兇無那鄉團
疏步武匪徒詭譎馳如雨烽飛綠野矢流星血染青
山淚沾土淒風苦雨剩荒邱定有英魂此去留栽得
空山松竹滿貞心勁節幾千秋

當陽縣志

卷十八

藝文

七言古

二十三

五言律

送沙門宏景道俊元奘還荊州應制宏景玉泉寺僧先是

景表請高僧十四人同住寺 唐 宋之問

一乘歸淨域萬騎餞通莊就日離亭近彌天別路長
荆南旋杖鉢渭北限津梁何日舒真果還來入帝鄉

宿玉泉寺 周 樸

野寺度殘夏空房欲暮時夜聽猿不睡秋思客先知
竹迥煙生薄山高月上遲又登塵路去難與老僧期

題玉泉大師智者影堂 五代 僧齊己

當陽縣志 卷十八 藝文 五言律 二十四

大化鍾華頂靈蹤亦玉泉由來負高尙獨向好山川
洞壑藏諸怪松杉列瘦煙千秋空樹影猶似覆長禪

玉泉寺 明 張四知

寶地何年結祇園此日逢泉流飛瀑布塏勢湧芙蓉
野鳥來深竹閒雲出遠峰塵纓如可謝從此託孤蹤

玉泉寺 李維楨字本甯京山人禮部尙書

策馬不能去徘徊雙樹間地偏芳草合天迥白雲間
開徑惟聞鳥閉門猶見山長松挂明月一鶴夜深還

其二

西來山盡好復此一峰幽水月心俱寂金銀氣自浮
嵐光晴不夜春色淡如秋雙頂青冥上孤雲任去留

過關王廟

楊洲

三國由來遠英雄跡未沈西風吹雁過黃葉擁階深
山帶吞吳氣天知復漢心當年有遺憾憑弔欲沾襟

清晨登玉泉山先日大雨

孫文龍常熟人
府知府

雨過溪流急山開曙色分寒煙依澗樹飛旆出松雲
鍾乳情猶滴仙茶翠不聞玉泉疑倒噴晏坐欲斜曛

平將軍祠

黃輝南充人
翰林

當陽縣志

卷十八

藝文

五言律

二十五

嗚咽沮流過低徊榔蔭攢一坏存化碧百戰付圖丹
有子宜陪食無人語禮官未應忠孝魄長共國殤寒
正月四日紫蓋道中

袁中道

野客遊山興還隨春草生近雲遮馬過遠樹照人明
西嶺眉如疊南田掌似平斷鴻零落甚仗有道林兄

胡文定墓

袁中道

長袖峰如折寒枝翳古邱徑荒麋跡亂階淨鶴翎留
風氣有時息松聲不肯休春王正月裏一盞酌康侯

題聖水寺

無跡田法師薙髮
地有四十畝

雷思霈

聖水何年寺深山半夜鐘有僧開法席無地即田農
天眼千山月潮音兩澗松僧來籠小栗爲說草茸茸

遊慈化寺

雷思霈

一入臨沮境嵐煙似黛鬢村村皆佛土處處是仙山
暮雨隨舟至春雲逐鳥還漫遊存野性濁酒笑酡顏

初夏偕栗生聯芳遊紫蓋

李

達

字生培安
居人御史

紫氣蒸如蓋雲鬢插翠峰藤深無徑入丹熟有人逢
榻靜閒敲月風輕漫度鐘伊人知有在且自溯徊從

登孝先閣

在紫蓋寺

栗聯芳

邑孝廉

當陽縣志

卷十八

藝文

五言律

二十六

閣在最高頭江帆一望收石林虛綵水煙樹臥荒邱
境僻堪逃夏櫺空別貯秋孝先呼可起肯令此生浮

玉泉寺

栗聯芳

曲澗流泉白重巖野洞幽燈懸雙樹曉葉落萬峰秋
冬至風常冽春來草自柔那知生滅相無不是浮鷗

遊麥城

楊

誌

邑人

霽色分江口長歌走麥城野花誰是主芳草不知名
路轉人煙隘沙乾馬足輕勝遊咸已醉村笛兩三聲

望音寺崖

僧正誨

說是隋朝寺稜稜在幾層村連雲起伏山接水奔騰
□嶺千盤樹橫崖一挂藤半峰荆棘路歷望不堪登

將發玉泉

徐

鑛

字眉雲江陵人吏部

曠遠江城北名山望已通稻翻千頃綠花發一溪紅
晚照人行處春光鳥語中前村好問宿籬落霧濛濛

聖水寺尋遍雲和尚結菴處

國朝

栗引之

邑選貢

絕頂流清梵梯危費討尋山能豁鈍眼水亦壞塵心
落葉三秋雨奔濤一帶琴茅菴何處是洞口暮雲深

夜宿紫蓋精舍兼懷深柳

王廷相

邑少尉

當陽縣志

卷十八

藝文

五言律

二十七

恐負山靈意禪房借榻眠俗情除筆底吟興動燈前
月上昏如曉雲開洞有天勝遊思友共遲舞讓先鞭

迴峰書院對月

方 璲

玉陽長作客漸減故園情對此瑤華夜偏令旅思生
乾坤雙鬢白江海一輪明不礙微雲點何嘗滓太清

方山

劉續祖

探奇曾種種晚乃得方山塵自無緣入高非不可攀
竹青光欲滴松老韻都聞祇有雲來往勿庸更閉關

其二

一意成孤眺放懷天地寬人家住山腳鳥路入雲端
烽火勞宸慮皇圖鞏石磐清時真有味白首欲彈冠
三公臺晚眺

張鴻敘

邑貢

凌空氣象開羣嶂抱高臺沮水碧千頃錦山翠一堆
暮雲寒樹影粉堞峙煙隈幽賞情無已數聲牧笛來

真武洞

邱種芝

邑貢

真武何年洞今來興自賒雲飛常近壁樹老自生花
剔蘚看殘碣捫蘿帶斷霞徘徊無限意寒堞夕陽斜
佛耳巖

葉文在

當陽縣志

卷十八

藝文

五言律

二十八

路僻行人少洞深暮靄多黃茅如細麥碧蘚似圓荷
山鬼深藏箐野猿渴飲河鵠灘清見底坐石濯流波
玉泉寺贈闍曙上人

李奏敷

邑貢

亭午啟松關閑來參老禪金池堪掬手鐵塢任當肩
空盡想非想再開天上天長留獅子窟勿負此山泉

西屏山

李青

素心依白社曲徑接層巒怪石封苔古孤雲出岫寒
雨過鐘響靜風細鳥聲歡問法逢支老秋高興未闌

春日遊西屏山

熊經壁

漸覺行人少山雲冷未開平岡將盡處一面破空來
隱約浮嵐氣分明絕點埃登高須踴躍歧路莫徘徊
其二

到來渾不見野店兩三家竹外鳩呼雨壚頭客喚茶
巖分山骨斷徑劈石梯斜甫覺危坡盡奇峰一望賒
弔賀國楠 事詳忠節傳 熊經壁

賀監蕭疏甚終年在醉鄉危能敦大節行不厭清狂
伴自生前結名因死後芳一言聊慰女愛子幸無傷
弔楊磊軒 名達天事詳忠節傳 熊經壁

當陽縣志

卷十八

藝文

五言律

二十九

往事從頭想論交子最真那堪尋舊夢不復見斯人
慷慨翻成累聰明乃喪身人生誰不死慘酷實傷神
其二

更有傷心事臨危兩子從巢傾完卵少雪積肅霜重
白骨支頹壁秋風語亂蛩可憐泉路客聚首恨何窮
其三

長子予高弟能文世共知方期成遠大不道值艱危
熱血應成碧書腹定化芝及門重聚首遺事豈堪思

弔謝羲池

事詳忠節傳

熊經壁

大義人皆識申明實賴公讀書方樂道聞變即從戎

灑淚羣心奮橫戈膽氣雄倉卒無備東營幾潰南陽

馬隊救之射殺數人賊始退公入夜呼集至今同志

者長自說英風

其二

兩至危城下心雄命轉輕高談羣賊怖策馬萬人驚
大帥資籌策殊方識姓名可憐身死日功已居垂成

登堆藍山頂

張致青

搔首青天近羣山倒地平帶長曲沮水丸大玉陽城

當陽縣志

卷十八

藝文

五言律

三十

往古人何在臨風我欲行悠然盪胸臆靄靄白雲生

玉陽八景

錄二首

堆藍晚翠

王朝枏

邑令四川
人庶吉士

好山如畫裏晚景倍清酣落日含蒼翠諸天擁蔚藍
泉聲爭漱玉塔影倒遮嵐指點郵亭路征人欲解驂

鵠岸漁歌

兩岸漁歌起扁舟下急湍幾家楊柳曲十里蓼花灘
午夢驚鷗醒秋聲和雁酸好攜黃鵠侶醉舞傍江干

過當陽長坂

主刑部王柏心子壽監
人

得人似高帝強對憚曹公夏口奔難達滎陽厄正同
蛟龍乏雲雨豚犬誤英雄回首橫矛處千林激大風
同馮展雲學使遊玉泉寺 王柏心

鷲嶺鬱蒼蒼諸峰拱梵王法雲彌郢郡山翠壓沮漳
鐵塔風煙古花臺澗壑芳昨聞青犢過龍象竟無傷

其二

曲江吟賞後使節復登臨各有陽春奏同追大雅音
高軒停壑谷遊屐歷山林野客才衰謝徒然喜盍簪
偕觀珍珠泉 王柏心

當陽縣志

卷十八

藝文

五言律

三十一

漱玉臨丹壑跳珠溼白雲光激寒愈潔響細靜方聞
鳳刹垂空映虹梁界道分未能尋乳窟仙掌闕靈芬

玉泉山有乳窟
產茶名仙人掌

當陽懷古

李暎棻

蒼莽當陽縣沮漳楚水通崎嶇歷長坂喪敗哭英雄
生死妻孥寄君臣患難同我今尋舊壘一路捲悲風

丹井

姚錦江

仙蹤滯嶺巒紫氣孕金丹妙悟花千疊功成月一丸
松雲護春曉梧雨滴秋寒莫作非非想心清慧葉完

仲宣樓

賀 緘

經 邑 明

倒屣憐才子登樓一愴神文章高漢魏書劍老風塵
烽火秦川路煙花楚塞春王孫歸未得惆悵曲沮濱

張燕公碑

在度門寺

賀 緘

萬里銜王命諸天列上方泥封傳絕塞手筆冠三唐
苔蝕豐碑古花開驛路香龍蛇遺蹟在山翠映沮漳

唐子方讀書臺

賀 緘

白髮江湖老丹心魏闕憂九州傳諫疏一代仰清流
野寺寒煙外荒臺勁草秋讀書期報國嘯傲寄滄洲

當陽縣志

卷十八

藝文

五言律

三十二

玉泉寺

賀 緘

梵宇知何處疏鐘出遠林山隨雲影活春到寺門深
隋鑊荒苔暗唐碑古道尋珠泉清淺水一爲洗塵心

登萬壽山

劉在鎔

邑 庠

百丈渺雲際倚欄澄遠眸林圍空外障廟占古時秋
地僻書聲迥天低鳥語幽胭脂湖上望新月朗如鉤

五言排律

紫蓋山還經玉泉寺

唐 張九齡

指途登楚望策馬傍荆岑稍稍松篁入泠泠澗谷深
觀竒逐幽渺歷險忘嶮嶮上界投佛影中天揚梵音
焚香懺在昔禮足誓來今靈異若有對聖僊其可尋
高僧聞逝者遠俗是初心蘚駁經行處猿啼燕坐林
歸真已寂滅留跡豈湮沈法施自此廣何云千萬金
陪張相公祠紫蓋山遊玉泉 孟浩然

望秩宣王命齋心待漏行青衿列胄子從事有參卿

當陽縣志

卷十八

藝文

五言排律

三十三

五馬尋歸路雙林指化城聞鐘度門近照膽玉泉清
皂蓋依巖憩緇徒擁錫迎天宮上兜率法界豁幽明
欲就後焉志先聞智者名人隨游水沒山類覆舟傾
想像若在眼周流空復情謝公還欲臥誰與濟蒼生
遊玉泉寺僧談征調供億之苦因賦

明 李維禎

徑曲泉能遶山迴寺忽逢舟誰藏大壑玉自削羣峰
翠壁蒼苔淨丹崖紫氣重登高窮下界選勝擬南宗
梵宇隋唐構伊蒲楚蜀供嵐沈不辨壙風定一聞鐘

樹古曾棲鶴溪深尙臥龍殿陰寒薜荔簷際墮芙蓉
蘚駁生金碣藤牽化石松天花春已樹雲碓夜猶春
藻井纏蟲網珠林過虎蹤傳燈遙乞火伐木近支筇
問道無閒土營生亦老農飯牛依磬鉢牧豕辦租庸
酥酪清齋少袈裟俗禮恭歲當饑饉後地扼往來衝
上客頻傳食空王豈素封攢眉今夕酒蓮社暫相容

文廟告成恭紀十四韻

國朝方 璲

十載 黌宮念今朝喜落成賢侯倡締造多士費經
營櫺戟規模大齋庖結構精昔年傷草茂一旦見芹

當陽縣志

卷十八

藝文

五言排律

三十四

清馬肆方無歎奎文煥可驚但期斯道重頗覺此瓊
輕傳舍奚容戀甘棠永足貞 聖靈自茲妥愚悖不
忘誠咸仰膠庠肅還看孝秀盈窮經爲正業講藝乃
餘情惟在敦儒行何嘗薄世榮曩賢崇廟學後代豔
科名輪奐勿徒羨淵源好自宏關閩多墜緒紹述望
羣英

春日登玉陽山

黃映芝

邑廩生

最是探春好玉陽高處行提壺邀舊侶步履趁新晴
小阜多幽徑單椒半倚城川遙吞漢沔洞古翳榛荆

荒剝寒煙靜殘碑野蘚橫曠觀情獨渺憑弔興彌清
二妙欣能聚四難喜得并歸來不厭晚鉤月女牆生

當陽縣志

卷十八

藝文

五言排律

三十五

七言律

覽玉泉張孟二公題版

五代 僧齊己

高額雙懸張曲江聯題兼是孟襄陽後人才地誰稱
短前輩經天盡負長勝景飽於閒採拾靈蹤消得正
思量時移兩杖成塵迹猶掛吾師舊影堂

報恩寺

明 沈慶餘 副使 杭人

荆楚西南第一峰梵宮森列案重重聞經清唳松陰
鶴聽法香翻鉢水龍徑曲每憐蒼樹合林深時有白
雲封凭高撫景情無盡回首楹廊遞晚鐘

當陽縣志

卷十八

藝文

七言律

三十六

報恩寺步沈公韻

鄭

崇本 懷安人 進士 學教諭

梵宮深隱玉陽峰駐馬閑登紫翠重祇樹風生聞唳
鶴空堂雲出見降龍地幽應少紅塵到碣古偏多碧
蘚封自是勝遊歸路晚半林殘照度疏鐘

龍泉寺

方

豪 開化人 僉事

為訪高賢駐使車因愁落日造禪廬龍潭夜逼軒窗
冷鼉鼓秋傳澗谷虛竹徑獨行僧定後松花飽啖月
明初吾生未必真凡骨何事頻年理簿書

仲宣樓

童時

登樓四望欲銷憂極目平原草木秋歲月忽驚人已
遠江山如待客重遊峽中水接濤聲迴城上雲連樹
色稠公暇幾回傷往事不堪爲客更淹留

謁關帝廟

鄭克昌

英雄非數誰能死拭淚封陵倍慘愴衰祚三分噓火
德一綫繫春王青天燭照丹心色白日爐焚汗
血香堪笑孫曹多智意擲揄蹤跡總荒涼

度門漫興

僧正誨

天詔曾聞下玉泉一回經此一潛然斷碑有字埋荒
當陽縣志

卷十八

藝文

七言律

三十七

草廢塋無名起暮煙衣自六傳滄海變法當千載鬼
神憐今人不識唐朝寺只把金沙作墓田

同雷大史徐上舍宿紫蓋寺

劉芳節

宜都人
孝廉

衡岳飛來第一峰峰形如蓋紫蒙茸樵山舊侶迎徐
孺蓮社新盟得次宗百丈倒窺丹井碧一龕深照佛
燈紅松簧也解賡禪韻卻共簷鈴話夜風

百家洞

栗聯芳

望中雲窟出巖巔馳馬還從頂上旋一壑朝來能盪
日千山圍處不遮天只堪樵徑依雲闢恰好僧房對

月眠已識周何皆有累誓於此地學參禪

登仲宣樓

劉楚先

字衡野江陵人大學士

西京新命重鳴騶何向危城作寓遊輦衛顛虞傷去
漢詞人通悅尙依劉疏楹自拭昭邱月離黍空含渭
井秋名在江山猶借勝芳華遙挹麗譙頭

龍泉寺過胡文定公墓

楊誌

羸馬迢迢一徑偏萬峰深處見諸天山頭白鶴飛來
雪潭底金龍噴作泉叢桂有情留小隱松楸勿語怨
南遷登臨莫問與亡事煙雨霏霏度石田

當陽縣志

卷十八

藝文

七言律

三十八

登仲宣臺

黃聖年

彈丸四塞本巖疆荆首西來抱玉陽編都陰森權口
遠沮漳迢遞楚陵荒金沙漫意仙攀井石馬猶驚古
戰場惆悵王孫歸計錯山川搖落賦空長

遊紫蓋寺

國朝

梁焜

古道青莎過雨痕上方登步未黃昏禪心不比階前
草逸興偏尋嶺下源春至藥苗常自種夜來貝葉幾
人繙欃槍四合天難問且坐山扉聽鳥言

遊紫蓋寺

汪士傑

策杖閒探紫蓋奇
白衣隨處染松脂
遊山戴雨頻侵骨
載酒逢僧不縐眉
採藥問人收幾種
談禪傍我坐三尼
夜深頓覺諸緣靜
疑是雪峰星見時

謁胡文定公墓

楊州彥

西風颯沓弔忠魂
閒拂殘碑剔蘚痕
蔡耿深讒名愈重
春秋絕學道長尊
千層嵐影留華表
一脈泉流繞墓門
舊是先生結茅地
亂鴉古木正黃昏

其二

皂帽青衫拜棘叢
忠魂應繞舊邱中
循環治亂今同

當陽縣志

卷十八

藝文

七言律

三十九

古挽轉艱難
我夢公龍老
臥殘徒噴沫
松寒禿盡尙
號風深山是
處傳豺虎
愁近黃昏
山月空

堆藍山

楊州彥

到處名巖推險峭
堆藍翻以樸成尊
安禪趺坐降諸衲
短髮蒼顏俯衆孫
亂石觸泉醒鶴夢
羣雲弔樹冷山魂
幾時移向濤聲裏
小結茅亭倒挂門

玉泉寺

梁山金

欲譜名山恨未全
堆藍絕勝可人憐
細尋石路無雙寺
不讓茶經第一泉
意到忘時方味佛
身經劫後且

逃禪從今穩作煙霞計載酒長吟踞此顛

玉泉寺

栗引之

堆藍不與衆峰羣涎玉沫珠眼底分雲裊鐘聲衝斷
壑樹迴嵐氣湧層雲典型拜指前朝鼎苔蘚斜封短
碣文萬古名山誰護法臨風卻憶漢將軍

智者洞

汪鴻映邑庠

春深人事頗從容信步禪扉問北宗怪石巉巖蹲虎
豹蒼藤曲曲舞虬龍佛書讀罷山花落僧飯熟時野
客逢跌坐伊人不可見空餘洞口暮雲封

當陽縣志

卷十八

藝文

七言律

四十

尋桂過大通寺

李芳邑令

公餘耽靜不開扉爲訪天香到翠微十里坡長官路
窄三家店冷野田肥丹楓半染黃沙樹夕照全堆藍
水磯雙桂千年山寺裏大唐留碣長苔衣

萬壽觀

劉續祖

當年先子藏修處他日哲人提命堂

謂徐白雲

已向夢中

悲手澤還從笛裏哭山陽蛙鳴湖水依前綠雨過山
松照舊蒼回首生成空彷彿何堪燈火影涼涼

玉泉後山道中

李作人邑廉孝

朦朧曙影啟霜天
躡躡衝寒向玉泉
松響千山成爽嘯
野燒十里剩孤煙
藤蘿仄徑我初入
虎豹沿溪人蚤還
策馬雲窩翹首望
羣峰四合總蒼然

登三星寺後山

李作朋 副榜

葛衫箬笠手相牽
喘步巉巖倒地眠
茗椀清涼來下路
漁舟欸乃指前川
荒邱一碣魯魚字
狡窟千年野狐禪
蹋到絕巔談往事
三星可摘欲捫天

郵亭夕照 玉泉寺

郭孫俊

斜日諸天已半昏
空亭殘照帶山門
泉沈霞影凝花

當陽縣志

卷十八 藝文 七言律

四十一

片煙鎖林光作雨
痕倦客指村急飛
鳥野樵歸徑亂啼
猿上方鐘磬松梢
度晚誦遙應貝葉
翻

楚昭王墓

林可法

漳濱立馬望昭邱
封樹依然傍細流
溪水有情咽今古
土人無事話春秋
賢將六百崇書社
教及三千重楚侯
南國舊成文物地
未應齊魯是中州

謁葛真人廟

王廷相

不能皈佛擬依仙
洗洗塵襟叩洞天
千古雲霞常會合
兩山龍虎自盤旋
疏鐘古磬風聲遠
豐草長林日

影遷丹竈久無智井在許誰重達已枯泉

長坂懷古

劉學朱邑貢生

坡前聞說舊軍屯血戰當年蹟尙存長使精誠迴日月直教膽氣壯乾坤祠堂擬報千秋烈營壘難招萬古魂憑眺茫茫無限感鴉聲歷亂正黃昏

拜聶韞夫先生墓

劉學夔邑貢生

雲斷寒空滿目秋閒來剔蘚拜荒邱粉身惟有月心在血戰長將浩氣留漠漠山猿啼夜月泠泠花雨淚溪流低徊欲作招魂賦黃葉西風一片愁

當陽縣志

卷十八 藝文 七言律

四十二

郵亭夕照

葉文在

蒼涼古道置郵亭落照茫茫滿野汀客子愁聞楊柳曲老僧高說涅槃盤經空山寂歷人全少野店蕭條戶半扃莫道夕陽歸去早晴空水浸一天星

仲宣樓懷古

李玉林知縣

沮漳流水自悠悠人往風微盛概留當代英雄能輔漢天涯才子不依劉一篇錦繡傷心賦萬里河山極目憂割據興衰長已矣山城千載仲宣樓

拜聶韞夫先生墓

楊宗濂荆門人

艱難未造一身輕，坏土千秋浩氣生。
孤挺黃沙支大廈，滿腔赤血奮長城。
雲旗尙繞蒼碑斷，古賦堪澄漢水清。
公有大別山賦，見原志。 俎豆荆南綿永祀，冠裳一望肅尊榮。

弔馬雲浦少尉夫婦

事詳忠烈傳

熊經壁

一失孤城萬姓殘，呼天空自泣卑官。
漫言事急捐軀易，須識時危措手難。
白練雙投千古恨，黃泉對語兩心酸。
褒譏自有公評在，若問臣衷死即安。

弔羅鶴亭

事詳忠節傳

熊經壁

當陽縣志

卷十八

藝文

七言律

四十三

名場耆舊悵凋殘，遺恨如公死豈安。
辛苦半生方入選，纏綿一病未之官。
身當危處眉長鎖，賊盡誅時骨已寒。
最是諸兒勞記念，無家空自告人難。

玉泉山寺醉中書懷

張致青

狂歌走入梵王宮，兩耳非因棒喝聾。
陳迹偶然留勝

士

公安袁中郎兄弟名本邑栗宋諸先生

名山自古屬英雄

漢前將軍祠

從來

憂樂關天下，多少榮枯在眼中。
醉裏夢魂都不擾，塵寰毀譽任雷同。

麥城弔古

聶子英

白衣搖櫓泝江波，奈此芳仁貳賊何。受敵磨盧謂城磨驢

城悲氣數出師，宛洛恨蹉跎。兒童尚說還冤記謂演義諸

奇蹟草木疑揮落日戈，杜宇千年啼不斷。吳宮魏闕總

成莎

遊玉泉山 甲寅亂後作

李映棻 字香雪 四川人

九死餘生萬念刪，驚魂纔定且躋攀。泉聲綠瀉鱗鱗

玉樹色藍堆面面，山漢將丹心靈蹟在。隋僧白足道

場間經樓悟得無生旨，欲買楞嚴日閉關

九日與諸友人登玉泉山 賀 絨

當陽縣志 卷十八 藝文 七言律 四十四

選勝攜朋興不孤，斜斜野徑問樵夫。路逢鳥讓風還

阻人似蛇行履，並無小住半山分。石坐病身一葉仗

雲扶松濤響，處泉聲細蕭寺回頭似畫圖

其二

相對茫茫百感生，登臨到底是閒情。無窮心事拚成

醉如此溪山，竟得名草白。憐將秋色老，時清剩有陣

雲平英雄幾點，千秋淚灑遍楓林。一路橫

玉泉東堂桂花 賀 絨

鼻觀微聞風露涼，木樨參透費思量。花從僧舍開無

俗樹帶秋容病亦香

以樹病蟲葉盡脫僧

招隱許同孤

月靜留人遍閱使星忙

皆高軒往來

前身我是如來否

金粟叢中態更狂

石龍灘

王廷彥

千尋石脈走來龍有客觀瀾此拄筇風捲浪花驚雨
灑日圍樹影有雲從濤頭直接寒山雪岸腳如喧古
寺鐘間抱一竿垂釣便灘前鱗鬣挺長松

盤龍山

起在小坂窩山勢
起伏如龍之盤

汪南金

邑貢恩

青山一帶擁峻嶒龍脈離奇澗氣騰本有風雷生四

當陽縣志

卷十八

藝文

七言律

四十五

壁也教鱗甲露千層君真高臥同諸葛我本無才愧
李膺出岫有雲能作雨應多膏澤慰黎蒸

白龍洞

胡炳暉

邑貢生

黃茆秀出與天齊繞郭人家一望低象嶺西來饒爽
氣獅山東駐壓深溪狂風捲水驚龍化華表干雲想
鶴棲勝境留人重轉眼翠微深處草萋萋

白龍洞

鄧肇基

邑庠

仙源高迴水溶溶自是天開第一峰此地幽棲疑鬼
谷何年騰躍見神龍石懸鐘鼓隨聲應山溜金銀照

眼濃靈物雖然飛去也千秋未了白雲封

遊玉泉山寺

賀

繩經邑明

劫換紅羊古蹟空堆藍不與衆山同唐碑字沒蒼苔
裏隋鑊光騰夕照中西望彝陵嵐氣合東來漳水淡
煙籠晨鐘暮鼓泉聲外喚醒迷途恨不窮

五言絕句

堆藍

明 袁中道

朝自堆藍去暮自堆藍還堆藍無所慮祇慮樹遮山

乳窟月下聽泉

袁中道

一月在寒松兩山如晝朗欣然已成行樹影寫石上

仲宣樓故址

聶登第

東景已西馳南棲懷北鳥空憐倒屣迎疇達薦賢表

梯兒巖

王應麟 邑庠

朝看山色青暮看山色柴山色本無情余心得妙理

當陽縣志

卷十八

藝文

五言絕句

四十七

其二

煙深山徑幽葉落風林響一旦步階梯直到青雲上

玉泉山中早起得句

國朝 聶子英

曉起山雲白對面失山樹野鳥無數啼聞聲不知處

入玉泉山效袁公安體

聶子英

歷歷路旁山重重山上路尋山未到山喜見山頭樹

七言絕句

寒亭 在玉泉山

無名氏

朔風凜凜雪漫漫未是寒亭分外寒
六月火雲天不雨請君來此凭欄干

四賢堂

劉巽 邑貢生

父子康侯朱弟兄象山輩出號明經
直言抗疏燈籠錦諸老遺風尙典型

白社

劉巽

易貌凝鉛妙出神玉津不夜枕長春
漉巾白氎林泉

當陽縣志

卷十八

藝文

七言絕句

四十八

隱千載高風白社人

報恩寺留別鄉僧

任翰

仲宣樓下水如煙細草平沙接梵天
老去蜀僧歸未得清秋魂斷楚雲邊

子胥港

孔克孝

春漲瀾漫帶雪流柳陰終日繫扁舟
伍員已去英名在都付溪翁看白鷗

初得玉泉響水潭

僧正誨

到處名山策杖行歸來還愛玉泉清
乞錢買得蹊三

畝流水聲中過一生

其二

斷巖曲水石磷磷好向茅廬寄此身
綠樹不翻紅葉雨青山還照白頭人

歸經玉泉

鍾惺

猶是山中九月秋來時流水夜中幽
泉聲不在有泉處曾向林蟬嶺月求

大水謠

邑令區懷瑞

九子山中鳩亂啼合溶鎮上馬頻嘶
淫霖十日沮漳

當陽縣志

卷十八

藝文

七言絕句

四十九

泛時有衙官來護隄

玉陽八景

紫蓋晨鐘

國朝方璲

繖蓋垂垂護紫峰洞天舊有葛仙蹤
曉風乍起晨鴉醒時送一聲雲外鐘

龍泉夜月

月到上方分外妍尼珠朗朗映寒泉
當年文定讀書地惟剩清光照墓田

堆藍晚翠

松風石鼎妙聞香
頻歲南華願渺茫
曾記覆舟山下
宿半天空翠落禪堂

長坂雄風

突出重圍絕代雄
錦屏草木識英蹤
至今長坂坡前路
膽落常山趙子龍

鵠岸漁歌

鵠灘彷彿舊煙波
客是當年張志和
爲愛漁舟爭唱
晚西屏山下夕陽多

錦山牧篴

當陽縣志

卷十八

藝文

七言絕句

五十

彌望寒山掛落暉
無腔短篴放牛歸
牧童那識興亡
事閒逐飛鴉下翠微

玉橋秋雨

紛紛落葉滿山椒
一帶寒林已半凋
無限客心淒絕
處秋風秋雨玉陽橋

金嶺朝煙

數聲喚起攬人眠
鳳嶺春光覺早妍
一片迷離三月
暮垂楊垂柳帶寒煙

方山八景

錄二首

劉續祖

化鶴歸來應自傷何須世事歎滄桑只今瘞劍曾留
石劫火燒殘字幾行

黃冠斷碣

七級何年筆太空亭亭描雨復描風仗伊還點東山
景界破斜陽兩半紅

夕陽塔影

梯兒巖

宋光鰲

山寺層層傍水灣雲樓百尺起松閒客來漫送憑高
目獨鶴秋空意自閒

夏日珠泉即事

熊經壁

活水溪邊一徑斜寒巖古木護僧家風來檻外輕如

當陽縣志

卷十八

藝文

七言絕句

五十一

許醉後呼童好試茶

秋日憩鳳凰山麓

熊經壁

滿岫歸雲掩復開長歌隨意蹋蒼苔牧牛兒向山邊
笑沽酒人從郭外來

鍊丹井

張致霄

邑庠

紫蓋峰頭一井乾仙人曾此鍊金丹祇今勺水歸何
處化作石林煙雨寒

望青溪

張致霄

一抹白雲西復西遙從天半認青溪不知古木森森

處若箇幽人得所棲

漳上詞 錄二首

聶子英

二水中間古麥城岸花汀草帶愁生孤舟莫向城邊
泊夜月千家擣練聲

仙女廟前草長時昭姬港上柳如絲掃蠶須趁清明

好莫怪農家上塚遲 俗以清明
日上塚

方山雜組詞 錄二首

張致青

秋江淼淼峭帆行上水船輸下水輕日暮煙籠烏柏
樹門前立地望歸人

當陽縣志 卷十八 藝文 七言絕句 五十二

登山臨水春復秋間披青史挹風流醉中忽抱千年
恨百尺臺傾未補修

玉泉大士閣二月十九日燒香詞 錄二首

張致青

菩提菴址石重重智者洞門鬼斧工人語不知何處
落山樵立在翠微中

遊塵攪亂一溪雲顯烈祠高護紫氛何處健兒飛馬
到觀音不拜拜將軍

葛仙樓

方外清蓮

爐中仙藥足延年一度烹來一度然想見功成丹出
鼎香飄何止徧山川

慈雲片片護春田不負農家拜井泉一掬能分千頃
潤綠楊村落雨如煙

每逢旱時鄉民禱於丹井甘霖即至

石龍灘

王汝章邑庠

禹鑿龍門雙石破茲灘之石尙猶龍浪花吹作條條
雨溼透溪雲第幾重

望青溪

汪培鑑邑貢附

疊嶂層巒望欲迷白雲深處是清溪而今講易人何

當陽縣志

卷十八

藝文

七言絕句

五十三

在惟聽猿聲不住啼

響水潭

在呼兒山南溪有石龕水流響徹數里

汪煥然邑庠

鳳凰山下水潺湲

前有鳳山

不減廬山瀑布泉俗耳箏

琶都洗盡聲聲漱玉徹雲天

當陽縣志卷十八終